

Frankeringsmaskinanik atuinissamat piomasagaatit

1. januar 2010-imeersut

1. Frankeringsmaskinanik atuisinnaanermut akuerineqarneq

Atuisup frankeringsmaskinanik atuilernissaanut TELE-POST atuisinnaanermut akuersissummik tunniussissaaq.

Frankeringsmaskinanik atuisussat immikkut akuersissummik anguniagaqarniarunik ukiumut atuinissaq minnerpaamik 10.000 koruuneqassaaq.

Frankeringsmaskinat TELE-POST-imit akuerisat kisimik atornerqarsinnaapput. Frankeringsmaskina nioqquteqartumit najukkami TELE-POST Centerimut toqqaannartumik nassiunneqassaaq, atornerqalinginnerminilu aningaasanut kisitsissutaa tassani atuarneqarallassaaq.

Frankeringsmaskinanik pisaanermut atasumik aningaasartuutit atuisup tamaasa akiligassarai. Nalinganik naqitsissutaa, ulluanut naqitsissutaa maskinamullu matuersaat TELE-POST-ip pigisarai, frankeringsmaskina atuisup akiligarigaluarpaguluunniit.

Frankeringsmaskinanik atuinissamat akuersissut utertinneqarsinnaavoq maskinanik atornerluisoqarsimappat, naammaginatumik atorsinnaassuseqanngippat ajoqutigisaalu aaqqinneqanngippat, frimærkilersukkanut akiliinissamat killigititaasut eqqortinneqanngippata, maskina akuttunngitsunik atornerqarneq ajorpat imaluunniit atuneq ukiup ilivitsup iluani atuneq 10.000-it inorlugit naleqarsimappat.

Frankeringsmaskinap atornerata kingunerisaanik TELE-POST sumilluunniit annaasaqartinneqarpat ajoqusigaappalluunniit atuisoq tamatumunnga akisussaasuvoq.

Nalinginnaasuvoq maskina atuisup nammineq allagaanuinnag atugassaanera. Allap nassiussassaanut maskina atornerqarsimappat, TELE-POST Centeri ilisimatinneqartussaavoq. Atuisup maskinanik atukkiussinini akisussaaffigaa.

2. Naqitsissummik naqitat

Naqitsissummik naqinneqartut ersarissuussapput. Nassiussat ersernerluttumik naqissusikkat nassiunneqarsinnaanngillat.

Maskinap naqitsissutaa qalipaataa nioqquteqartumit akuerineqarsimasuussaaq.

Allakkat puuni, immersugassani aammalu nipitittakkani nipittartuleriikkani eqqunngitsumik naqitsissummik naqitsinerit allakkerivimmit taarsiivigineqarsinnaapput. Aningaasat uterteqqusat 5%-ii ilanngaatineqartarput.

Taarsiivigineqarnissamik qinnuteqaat qaammatikkaartumik TELE-POST Centerimut nassiunneqartarpoq immersugassaq "Fejlfrankering på frankeringsmaskine" atorlugu allakkap puui pineqartut ilanngullugit. Immersugassaq TELE-POST Centerimi pineqarsinnaavoq.

Naqitsissummik naqitanut taarsiisoqarneq ajorpoq nalinganik naqinnera ulluanilluunniit naqinnera atuarneqarsinnaanngikkaangat, allakkap puuata nassiunneranut nalinganik/ullormik naqinnera alinneqarsimappat/qiornerqarsimappat, ullup naqinnera amigaataagaangat imaluunniit ullup naqinnera qaammammik kingullermik pisoqaanerugaangat.

3. Nassiussassanik tunniussineq

Nassiunneqartussat najukkami TELE-POST Centerimut tunniunneqartussaasarpot. Allakkat allakkanut nakkartitsivimmut ikineqartut, tasisartumik qilertanngortiterneqarsimassappot. Nassiunneqartussat tunniunneqarnerminni naqinneqarsimassappot ullormik eqqortumik.

4. Maskinanik iluarsaneq

Maskina ajoquteqalerpat, atuisoq pisussaavoq erngerluni atornerqarsinnaajunnaarsinnissaanut.

Maskinap kisitsissutaa parnaarusernera nioqquteqartumit aaqqissuisartumiilluunniit akuerisamat taamaallaat kipineqarsinnaavoq.

Maskina aaqqissuutsinneqassappat, kisitsissutaa TELE-POST Centerip atuarellassavaa nioqquteqartumut nassiunneqannginnerani. Maskina aaqqissuunneqareeangat atoqqilinginnerani kisitsissutaa TELE-POST Centeri aamma atuaaqaarallassaaq.

Atuisup maskina aaqqissuunneqarnissaanut nammineq akilikkaminik nassiutissavaa.

5. Frimærkilersuinermik akiliineq

TELE-POST-ip akiligassap akiligassanngortinneqarneraniit kingusinnerpaamik ullut 30-t qaangiunneranni akilernerqartussa qaammatikkaartumik akiligassaq á conto nassiuttassavaa. Akiligassaq qaammatit tamaasa aallartinneranni nassiunneqartassaaq.

Allaffissornermut akiliut, www.post.gl-imi Akit allattorsimaffiat naapertorlugu angissusilik, ilanngunneqartarpoq. Akiliutit taassuma matussuserarpai ukiumut marloriarluni misissuiartornertut aningaasartuutit kiisalu kisitsissutaa ni atunerit mississoriartoqqinneri fakturaliornerillu.

á conto faktura akilernerqanngikkaangat akiligassamik eqqaasitsissut siulleq nassiunneqartarpoq. Akiligassamik eqqaasitsissutit siulluup nassiunneqarnerata kingorna akiligassaq akilernerqanngikkaangat, akiligassamik eqqaasitsissutit aappaa nassiunneqartarpoq. Akiligassamik eqqaasitsissutit marluusut tamarmik eqqaasitsissutaanerminnut www.post.gl-imi Akit allattorsimaffiat naapertorlugu angissusilimmik ilaneqartarput.

Qaammatit naanerani aningaasanut kisitsissutaa takutitai TELE-POST Centerimut tunniunneqartumut allattuivissamat allattorneqassappot. Allattuinerit tassunga pissutaavoq atuisup frimærkilersuinerminut atunerminik malinnaavigininnissaa á conto-mik akiliummik aaqqiivigininnermut aammalu nalinginnermiit annertunerusumik atuivallaarnerup paasinissaanut atornerqarsinnaammat.

6. Atuisunngornermut akiliut

Nutaamik atuisunngortumik maskinamilluunniit nutaamik pisaanermi nalunarutigininnermi atuisunngornermut akiliut akilernerqassaaq, takuuk www.post.gl-imi Akit allattorsimaffiat.

7. Frankeringsmaskinanik misissueqqittarneq

TELE-POST Centeri ukiumut marloriarluni – uge 12-imi uge 38-milu – frankeringsmaskinanik misissueqqittarpoq. Misissueqqinnerup siunertaraa, maskinap kisitsisit takutitavii naapertorlugit akiligassiumalluni kisitsissutit takutitaanik misissuineq á conto-millu akiligassanngortussamik naatsorsuinissaaq. Maskinap aaqqissuussisartumit misissorneqarnissaa piomasarineqassappat, taamatut piomasaqarneq atuisup malitussaavaa.

8. Frankeringsmaskinanik ammaaqqinneq

Atuisoq akiliinissamik eqqaasitsissutitigut siullikkut aappaatigullu á conto fakturamik akiliisimannngippat frankeringsmaskina matuneqassaaq.

Nassiussassat nalinganik naqitsissut savimineq ullormillu naqitsissut peerneqassappot. Tamanna ajorparpat, frankeringsmaskina TELE-POST Centerimi tigummineqartussatut nassarneqassaaq. Frankeringsmaskinap

ammaqqinneqarnissaa atuisup kissaatigippagu,
ammaqqinneranut akiliut akilerneqaaqqaassaaq, takuuk
www.post.gl-imi Akit allattorsimaffiat.

9. Frankeringsmaskinamik matusivinneq

Ukiuni kingullerni pingasuni atuisut sisamariarlutik,
taakkunannga qaammatini kingullerni aqqaneq marlunni
ataasiarlutik, inkasso-kkoortitaasimasut, frankeringsmaskinamik
atuinissamut mattunneqavissapput.

10. Frankeringsmaskinamik atuiunnaarnermik nalunaarneq

Maskinamik taarsiisoqarpat, atuiunnaartoqarpat

atorunnaarsitsisoqarpalluunniit, TELE-POST Center
tamatuminninga ilisimatinneqassaaq.

Nalinganik ullormillu naqitsissutaa maskinamiit atuisumiit
peerneqassaaq TELE-POST Centerimullu tunniunneqassalluni.

Nalinganik ullormillu naqitsissutaa atuisup maskinamiit
peersinnaangippagu, maskina TELE-POST-imit
pigisassanngortinneqassaaq.